

交城縣志

卷八
人物門
列傳 忠烈
孝子 節弟
節孝 烈婦
意公 好義
學博 行修
閭門 庸德
熙朝 人瑞
仙釋

交城縣志卷八

人物門

人物

山川毓秀賢哲挺生邦家之光也靈川爲狐氏故墟及後張承業輩接踵而興豐功大節炳烺史冊上之足以扶名教而植綱常而次亦狷介自守不苟附和皆卓然有所樹立吁今之靈川猶昔之靈川也吾不知後之視今較今之視昔何如第前事之不忘後事之師鄉先哲之流風遺烈更千百世猶有感慕興起者其在斯乎志人物第十七

交城縣志

卷八

人物

一

春秋

狐突字伯行子二曰毛曰偃據韋昭注云其先出自唐叔爲晉大夫女狐姬實生重耳齊姜生太子申生俱被驪姬讒先使申生主曲沃復使之伐東山皋落氏突爲之御乃歎曰時事之徵也衣身之章也佩衷之旗也服以遠之時以闕之虜涼冬殺金寒玦離胡可恃也東山可盡乎太子將戰突諫曰不可今亂本成矣立可必乎孝而安民子其圖之與其危身以速罪也及申生奔新城使人辭突曰申生有罪不聽伯氏之言也以至於死申生不敢愛其死雖然吾君老矣

子少國家多難伯氏不出而圖吾君伯氏苟出而圖
吾君申生愛賜而死再拜稽首乃卒晉侯改葬申生
諡恭太子秋突之下國遇太子太子使登僕而告之
曰夷吾無禮余得請於帝矣將以晉畀秦秦將祀余
對曰臣聞之神不歆非類民不祀非族君祀毋乃殄
乎且民何罪失刑乏祀君其圖之太子曰諾吾將復
請七日新城西偏將有巫者而見我焉及期而往告
之曰帝許我罰有罪矣後惠公果不昌敝於韓懷公
立命無從亡人期期而不至無赦時突子毛偃從重
耳在秦弗召懷公執突曰子來則免對曰子之能仕

父教之忠古之制也策名委質貳乃辟也今臣之子
在重耳有年矣若又召之教之貳也父教子貳何以
事君刑之不濫君之明也臣之願也淫刑以逞誰則
無罪臣聞命矣遂伏劍死賢哉突也知亂本之成欲
以孝安其民知也終始存晉祀仁也不教子以貳乃
辟忠也伏劍而死勇也宜鄉人在在祀之千百世而
不衰也與宋大觀二年賜忠惠廟宣和五年封利應
侯馬鞍山有墓

見左傳史記檀弓

狐毛楚成王復諸侯圍宋宋公孫固如晉告急先軫曰
報施定霸於今在矣狐偃曰楚新得曹而初婚於衛

若伐曹衛楚必救之則宋圍解於是晉作三軍使狐偃將上軍狐毛佐之

詳見史記晉世家

狐偃字子犯突之子也晉文公爲公子時出亡在外十九年偃從之獻公卒秦穆公使人弔之且曰得國恒於斯失國恒於斯孺子其圖之以告舅犯犯曰孺子其辭焉喪人無寶仁親爲寶父死之謂何又因之以爲利天下其誰能說之其辭焉遂奔狄處狄十二年而行過衛衛不禮出五鹿乞食野人與之塊公子怒子犯曰此天賜也拜受而載之過齊桓公以女妻之五年不反齊姜與子犯謀醉重耳載以行行遠而覺

重耳怒欲引戈殺之子犯曰殺身成子偃之願也乃止過鄭不禮叔詹諫曰天之所啟人弗能及晉有三士足以上人偃其一也及返國秦伯師於河上子犯言於重耳曰求諸侯莫如勤王諸侯信之且大義也繼文之業而宣信於天下今爲可矣後楚師背鄴而舍晉侯患之子犯曰戰也戰而捷必得諸侯如其不捷表裏山河必無害也狐毛設二旆而退之偃以上軍夾攻楚師敗績次於衡雍乃作王宮於踐土歸國行賞以偃爲首或曰城濮之事先軫之謀晉侯曰城濮之事偃說我無失信先軫曰軍事勝爲右吾用之

以勝此一時之利偃言萬世之功奈何以一時之利而加萬世功乎是以先之晉之卒成霸業偃之力居多
見左傳史記檀弓

後唐

張承業僖宗光啟中主郟陽軍士入爲內供奉至昭宗以爲河東監軍謀復唐室事晉王爲其養民蓄財圖成霸業晉王賜以開府儀同三司燕國公承業固辭不受終身唐官晉得傳國璽將佐及藩鎮勸進不已及令有司市玉造法物得魏州僧獻傳國寶張承業亟詣魏州諫曰吾王世世忠於王室今河北甫定朱

交城縣志

卷八

人物

四

氏尚存而王遽卽大位殊非從來征伐之意天下其誰不解體乎何不先滅朱氏復列聖之深讐然後求唐後而立之南取吳西取蜀合爲一家當是之時雖使高祖太宗復生誰敢居王之上讓之愈久則得之愈堅老奴之志無他但以受先王大恩欲爲王立萬年之基耳胡致堂曰張承業之志行雖縉紳士大夫有遠不能及者可以爲內侍之師法矣爲晉養民蓄財軍興不乏職也受克用顧託不敢違負忠也行法不寬貴戚不以官物爲私禮公也晉王欲使分過終不承命守也居唐官終其身義也使中常侍皆率此

道烏有趙高石顯張讓之禍哉諡正憲洪安有墓

見五

代史通鑑

安永信智勇過眾文武兼資爲唐節度使卒諡忠簡晉

天福二年贈太師

元

張德輝字耀卿冀甯交城人少力學數學於鄉金貞祐間兵興家業殆盡試掾御史臺會盜殺卜者有司蹤跡之獲僧匿一婦人擄掠誣服獄具德輝疑其冤其後果得盜趙秉文楊慥咸器其材金亡北渡史天澤開府眞定辟爲經歷官歲乙未從天澤南征籌畫調

交城縣志

卷八

人物

五

發多出德輝天澤將誅逃兵德輝救正配令穴城光州葦山農民爲寨以自固天澤議攻之德輝請招之降全活甚衆歲丁未世祖在藩邸召見問曰孔子歿已久今其性安在對曰聖人與天地終始無往不在殿下能行聖人之道性卽在是矣又問或云遼以釋廢金以儒亡有諸對曰遼事臣未周知金季乃所親睹宰執中雖用一二儒臣餘皆武弁世爵及論軍國大事又不使預聞大抵以儒進者三十之一國之存亡自有任其責者儒何咎焉世祖然之因問德輝曰祖宗法度具在而未盡設施者甚多將如之何德輝

指銀槃喻曰創業之主如製此器精選白金良匠規而成之畀付後人傳之無窮當求謹厚者司掌乃永爲寶用否則不惟缺壞亦恐有竊而去之者矣世祖良久曰此正吾心所不忘也又訪中國人材德輝舉魏璠元裕李治等二十餘人又問農家作勞何衣食之不贍德輝對曰農桑天下之本衣食之所從出者也男耕女織終歲勤苦擇其精者輸之官餘麤惡者將以仰事俯育而親民之吏復橫斂以盡之則民鮮有不凍餒者矣歲戊申春釋奠致胙於世祖世祖曰孔子廟食之禮何如對曰孔子爲萬代王者師有國

者尊之則嚴其廟貌修其時祀其崇與否於聖人無所損益但以此見時君崇儒重道之意何如耳世祖曰今而後此禮勿廢世祖又問興兵與宰民者爲害孰甚對曰軍無紀律縱使殘暴害固非輕若宰民者頭會箕斂以毒天下使祖宗之民如蹈水火爲害尤甚世祖默然曰然則奈何對曰莫若更遣族人之賢如口溫不花者使掌兵權勲舊則如忽都虎者使主民政若此則天下均受賜矣是年夏德輝得告將還更薦白文舉鄭顯之趙元德李造之高鳴李槃李濤數人陛辭又陳先務七事敦孝友擇人才察下情貴

兼聽親君子信賞罰節財用世祖以字呼之賜坐錫
賚優渥有頃奉旨教胄子李羅等壬子德輝與元裕
北覲請世祖爲儒教大宗師世祖悅而受之因啓累
朝有旨蠲儒戶兵賦乞令有司遵行從之仍命德輝
提調眞定學校世祖卽位起德輝爲河東南北路宣
撫使下車擊豪強黜臧吏均賦役耆耄不遠數千里
來見曰六十年不復見此太平官府矣戴之若神明
西川帥紐鄰重取兵千餘人守吏畏其威莫敢伸理
隸鳳翔屯田者八百餘人屯罷兵不歸籍會僉防戍
兵河中浮梁故有守卒不以充數悉條奏之帝可其

請兵後孱民多依庇豪右及有以身傭藉衣食歲久
掩爲家奴悉遣還之爲民二年考績爲十路最陞見
帝勞之命疏所急務條四事一曰嚴保舉以取人材
二曰給俸祿以養廉能三曰易世官而遷都邑四曰
正刑罰而勿屢赦帝嘉納焉遷東平路宣尉使春旱
禱泰山而雨東平賦夥獄繁視河東相倍蓰凡遇臧
奸悉窮之不少貸奏免遠輸豆粟二十萬斛和糶粟
十萬斛寶合丁議賦繭絲令民稅而後輸德輝曰是
誣上以毒下也且後期之責孰任之遂罷其事孀婦
馬氏將鬻其女以代納逋賦分已俸代償之仍蠲其

額至元三年秋參議中書省事五年春擢侍御史辭不拜有言沿邊將校冒代軍士虛糜廩幣者勅按之奏曰在昔將校備嘗艱阻與士卒同甘苦其年少子弟襲爵或以微勞進用豈知軍旅之事乎使朝廷遣使覆按此省院素失約束耳痛繩之則令不自安第易其部署選武毅才畧者任之庶使軍政自新又時委司憲者體究庶革其弊有旨命德輝議御史臺條例德輝奏曰御史執法官今法令未明何據而行此事行之不易陛下宜慎思之有頃復召曰朕慮之熟矣卿當力行之對曰必欲行之乞立宗正府以正皇

族外戚得以糾彈女謁毋令奏事諸局承應人皆得究治帝良久曰其徐行之德輝請老命舉任風憲者疏烏古倫貞等二十人以聞初河東歉請於朝發常平貸之并減其秋租有差賦役不均官吏並緣爲姦賦一征十年不勝其困苦民率流亡德輝閱實戶編均其等第出納有法數十年之弊一旦革去德輝天資剛直博學有經濟器毅然不可犯望之知爲端人然性不喜嬉笑與元裕李治遊封龍山時人號爲龍山三老云卒年八十

見元史列傳

郝天挺字繼先出於朶魯別族自曾祖而上居安肅州

徙交城父和上拔都魯太宗憲宗之世多著武功爲河東行省五路軍民萬戶天挺英爽剛直有志畧受業於遺山元好問以勲臣子世祖召見嘉其容止有旨宜任以政俾執文字備宿衛春宮裕宗遇之甚厚建省雲南選官屬遂除叅議雲南行尙書省事尋陞參知政事又擢陝西漢中道廉訪使未幾入爲吏部尙書尋除陝西行御史臺中丞又遷四川省參政及浙江行省左丞俱不赴拜中書右丞與宰相論事有不合輒面斥之一日以奏事敷陳明允特賜黃金百兩不受帝曰非利汝也第旌汝肯言耳成宗崩仁宗

以太后命首定大難及武宗還自朔方遂入正大統定策之際天挺與有力焉仁宗臨御收召故老天挺與少保張閻等十人共議大改革尙書省之弊遂成皇慶之治又出爲江西河南二省右丞召拜御史中丞入見首陳紀綱之要以獵爲喻曰御史職在擊奸猶鷹揚焉禽之弱者易獲也其力大者必借人力不然不惟失其前禽仍有傷鷹之患矣帝嘉其言旣出臺臣皆以爲賀風紀大振又上疏陳七事曰惜名爵抑浮費止括田久任使論好事獎農務本勵學養士詔中書省舉行之尋俾均逸於外拜河南行省平

章政事時河南王卜憐吉反爲丞相待以師禮由是政化大行皇慶二年卒年六十七贈光祿大夫中丞平章政事柱國追封冀國公諡文定天挺嘗修雲南實錄五卷又註唐人鼓吹集一十卷行於世子佑見元

史列傳

郝佑字君輔小字朶魯別台由宿衛補官仁宗時拜殿中侍御史以廉直著名大受知遇遷陝西行省參知政事拜陝西行御史臺侍御史

郝忠恕佑之子翰林侍制獻所著無逸圖帝悅命總裁宋遼金三史成歸隱終身學宮卦山有篆書碑文詳見

交城縣志

卷八

人物

十

一統志

覃資榮字茂卿德興懷來人敦厚寡言頗知讀書金末爲交城令元兵下河朔乃以縣來附主帥稔聞其名賜金符爲元帥左都監仍兼交城令未幾賜虎符行元帥府事從征汴有功尋移病舉弟資用代充元帥府退而耕田讀書爲逸老計年四十子二曰澄曰崱覃資用交城令官至定遠大將軍元帥左監軍

覃澄字彥清資榮之子襲父職幼穎敏爲交城令時年十九有文谷水分溉交城田文陽郭帥專其利而堰之訟者屢歲莫能直澄折以理令決水均其利於

民豪民有持吏短長爲奸者察得其主名皆以法治之歲乙未籍民戶有司多以浮客占籍臨征賦逃竄殆盡官爲稱貸積息數倍民無以償澄入覲因耶律楚材面陳其事太宗惻然爲免其逋私負者年雖多息取倍而止亡民能歸者復三年詔下公私便之壬子後大籍其民澄盡削交城之土著者賦以時集甲寅世祖還自大理澄進見留藩府凡遣使必以澄偕而以弟崮代爲交城令時世祖以皇弟開藩京兆總天下兵歲丁巳有間之者憲宗疑之遂解兵柄遣阿藍荅兒往京兆大集官吏置計局百四十二條以

考覈之罪者甚眾世祖每遣左丞闊闊與澄周旋其間以彌縫其失及親入朝事乃釋中統元年世祖卽位擢懷孟路總管俄賜金符換金虎符歲旱令民鑿唐温渠引沁水以溉田民用不飢教之種植地無遺利至元二年遷河南路總管改平灤路總管七年入爲司農仍出爲京兆總管居一年改陝西四川道提刑按察使建言不孝有三無後爲大令民年四十無子任娶妾以爲宗祀計朝廷從之遂著爲令四川僉省嚴忠範守成都爲宋將咎萬壽所敗退保子城世祖命澄代之至則葬暴骸修焚室賑飢貧集逋亡民

心稍安會西南夷羅羅斯內附帝以撫新國宜擇文武全才遂以澄爲副都元帥同知宣尉使司事比至以疾卒年五十八世祖嘗與太保劉秉忠論一時守牧秉忠曰若邢之張耕懷之覃澄何憂不治哉游顯宣撫大名嘗爲諸路總管求虎符宣麻澄過中書辭曰朝廷不識覃澄耶乃爲顯所舉中書特爲去之其介如此子克修歷湖北河南陝西三道提刑按察司見元史列傳

覃克修官至陝西漢中道提刑按察使贈禮部尙書追封宏農郡侯諡文憲

覃克思澄次子任中山知府上騎都尉封宏農郡侯其叔崑知東勝州兄克柔任通使舍人克修長子忠以南洛尹遷保德州同知次質先除是州判官皆以治蹟聞忠陞南康之府判質至兵部侍郎次文任河南省宣慰使克思子敬任漢陽知府有續高祖題名世系譜存焉

聶天章至元十九年登進士第善文辭有修行授朝列大夫左遷趙城令歸隱不出

明

常 茂陽渠都人登正統七年進士授山東道御史時

石亨擅權百官多阿附公獨剛正自持出爲陝西副使

魏 恭太平坊人領景泰庚午鄉薦大挑授陝西渭南知縣調河南新安知縣有爭訟者屢歲不決妄引中証多人恭下車一訊卽服民以爲神獲盜乃自責曰此吾不能以德化民所致他盜聞之多改行爲善訖恭任境內安謐都御史王恕薦於朝陞西安府通判改通判湖北荊州府與告歸入新安名宦詳見河南通志

孫尙志太平坊人未弱冠卽中成化辛卯科亞魁授山

交城縣志

卷八

人物

十三

東德州知州有異政以憂去服闋德人五百餘赴部保留復任德州其得民心如此

常永澄成化癸卯科亞魁資性穎異苦志力學竟以勞瘁得疾未仕卒時論惜之

李天賦宏治癸丑進士釋褐知河南泌陽縣居官清廉多惠政行取爲湖廣道監察御史內陞尙寶寺卿轉湖廣參政陞遼東苑馬寺正卿

韓 祐李天賦同榜進士厯官刑科給事中吏科左給事中奏議不避權勢一時風紀肅然

解一經號月川理之孫一貫之兄弱冠勤學以詩經中

宏治甲子鄉試授平原令修學校鑄祭器遇荒散祿米以賑之政聲大著陞武定守尤耿介執法同知萊州府徵稅有法餽贐一無所取獎勵四十次陞南京戶部員外郎中奉勅管理倉庫曲盡心力公署有黃鳥巢竹之祥陞雲南廣西府知府定格課學化暴爲良遇征安南選爲左哨率兵前進賊夜遯走朝廷遣使嘉賞歷任三十年操持益堅上疏乞歸居數椽靜坐談元淡薄自甘家人請託以濟困則曰貪非素志甯餓死不爲也隆慶二年恩例進階亞中大夫臨歿焚香端坐而卒壽九十有六萬曆十三年從祀鄉賢

所著有啟笑錄自撰墓誌並戒詞稱於時

王 龍西隅坊人天性孝友以歲貢官淮安府通判歲饑領粟散賑親按名給散不假吏胥有誣同官盜粟自肥者幾得不測禍其人夙與龍不睦爲力辨其寃人稱長者在官四載浩然而歸

王 麟正德丁卯舉人授安陽知縣與兄龍共乳而生賦性敦樸好學不倦督學雷公考置第一應貢入成均願以貢讓兄雷公義而從之

胡 緯以廩監官直隸永平府通判在任清謹致仕歸永人詳請八名宦家居以義方教子孫仁德著於鄉

里年臻大耋常戲題小像云懸之儼然捲之寂然子孫若賢多祀幾年子孫不賢不值一錢真乎真乎可憐可憐其風趣如此

解一貫字曾唯博學工文正德丁卯發解屢上公車不第辛巳始成進士歷官工科給事中吏科都給事中遇事不阿論列皆切時務嘉靖初因議禮忤吏部桂萼謫判開州回籍

王騰鵬却下都人正德丁卯鄉舉刻意經籍兼通子史詩律尤善書法授直隸保定府通判居官有聲不負所學

胡體乾字健夫以易經中正德巳卯科鄉試辛巳成進士授貴州道監察御史巡按山東陝西南直轉永平河間府知府歷官浙江副使河南按察使四川右布政河南左布政宦遊二十餘載不納賄賂不恃權勢不益田宅致政歸日與親友詩酒爲樂屢薦不起楊一奇登嘉靖癸未進士謁選得河南嵩縣知縣執法除暴吏畏民懷擢知陝西鄜州不赴回籍養病以著述自娛所著有太極圖說畧義學史談易經四書讀書錄補讀詩紀見自笑錄體物韻語行於世

劉體仁太平坊人嘉靖戊子科舉人選河南考城知縣

性剛介有善政以艱去服闋補膚施知縣陞陝西岷州知州西安府同知進階朝列大夫致仕

田子儀陝西咸甯縣主簿清謹愛民不受囑託上官均器重三載卒於官貧不能歸

曹寶崇儒坊人善良清潔當貢以友家貧親老讓之同學多其義後十數年始以歲貢官獻縣教諭陞鎮藩教授

閻純古陝西靜甯州訓導陞同官縣教諭學問淵邃辭氣儒雅見稱於時

劉道源來蘇坊人以恩貢選襄陵縣訓導陞陝西清澗

縣教諭夙以孝稱爲巡按御史所旌

田西成道德坊人力學不倦尤邃於易致仕後日與二三父老携雲踏月以自娛見者不知爲鄉宦也

王三重西隅坊人英敏有奇才工古文辭由丁酉舉人授直隸遵化知縣挂誤歸力敦孝友遠近稱之

閻國本丙午鄉舉直隸贊皇知縣陞河間府通判清直方正尊師重學有古人風

李執中號新軒侍御之奇之父給諫武攀龍之師也家貧失怙蚤苦志業儒成子衿事母菽水承歡朝夕必問視焉時弟方弱冠積訓蒙束脩爲弟謀婚娶弟亡

撫姪同巳子及長婚娶如弟時慰父母之心篤兄弟之誼宗族鄉黨以孝弟稱厯生平未嘗輕言笑善氣迎人從遊者如坐春風中遇飢寒必索濟之而始安人以李佛呼之崇禎十三年論定公舉從祀鄉賢

國朝

武承甫字爻山屯蘭都人給諫攀龍之祖父也賦性醇和樂善不倦幼失怙孝于母友于兄弟周恤宗族閭里待以舉火者甚眾歲凶出錢粟傾囊周之與人樂易慈良從未以睚眦相校爲善自然終其身如一日云邑人賢之康熙五年公舉從祀鄉賢

交城縣志

卷八

人物

十七

胡揚俊字甸方前壬午舉人順治丙戌進士初任河南商邱縣調福建邵武縣居官不納苞苴不畏疆禦所至以清直聞宦亳日有大姓家累巨萬以人命受誣囚繫經年甫至一訊卽雪其冤其人出獄暮夜密齎千金餽之怒曰爾獄本冤吾故平反非爲私也何得汚我却不受有勸其蓄貲爲子孫計者笑而不答嘗曰吾以清白遺子孫所以爲子孫計者至矣卒以不善事上官挂吏議而歸四壁蕭然日用不給處之晏如里黨無不仰其高致

常大忠順治丙戌解元壬辰成進士文優行潔爲諸生

早已知名於時及登賢書終日手一編務爲有用之學足跡不入城市通籍後選四川梓潼令川東南經流寇之亂人民凋敝亟爲設法招集流亡自劍門以西復業者不啻萬家邑文廟傾圮已久復經營重建暇日進諸生親爲講解文教大興他如蠲穀賑饑捨棺掩骼修築河堤設立義倉善政纍纍尤難殫述以憂去服闋補江南潛山縣爲治一如在蜀土寇與水賊潛煽時探知之卽督鄉兵剿於天柱山一戰殲其渠魁不至釀成大變潛山人至今尸而祝之以治行最陞直隸保定府同知北地苦寒播種不能以時民

多饑困乃親教以種植之法時出省視勤者勞以酒食惰者懲之暮年桑麻遍野遂爲沃土遇事聽斷明決吏不能欺民無冤抑以勞勩卒於官百姓謳思不置爭輸貲建立專祠復敦請入保定名宦厯宦所至潔己奉公絲粟不擾民卒之日幾不能具棺斂居恒宗族稱孝鄉黨稱弟分祿以贍貧宗推恩及於同里善舉尤多卒後縣令趙吉士詳請從祀鄉賢稱爲第一乘人物斯言誠不愧云

胡開第字杏仙雍正己酉拔貢生終身力學甘守清貧兩舉鄉飲以年例不合辭不赴凡宰交邑者皆以德

學純粹造廬請謁乾隆十年知縣屈公以士品端方
學問醇正通詳各憲平日怡情詩酒樂提挈後進常
以孝弟忠信之道訓里黨鄉人多化之者後以孫鈞
璜貴誥贈奉政大夫

康大興鄭段都人父瑄武舉大典能世其家少卽膺力
絕人未冠能挽強命中擢康熙乙未科武進士除廣
東督標右營守備雍正末調征黔省隨經畧張勦逆
苗有大功乾隆初陞廣州營都司隨征大小金川及
西藏均有功疊邀優叙歷陞韶州營遊擊轉陝西漢
鳳營叅將進潼關協副將代理總兵印務熟諳韜畧

所至訓練有方屢効力疆場戰功卓著後告歸悠遊
林下十餘年八十餘以壽終

喬冲杓字觀衡邑義東都人乾隆乙丑武進士由三等
侍衛累官雲貴安南清江騰越等營游擊遷朗洞軍
叅將擢遵義協副將以練悉苗情調清江二十八年
特簡四川重慶鎮總兵官母憂歸服闋補河南南陽鎮
時值緬亂兵差絡繹所轄新野縣奸民楊天等糾衆
攻劫所在飢民響應勢甚張冲杓出不意擒其渠魁
奏入

上命竟其事衆情洵懼冲杓單騎走山谷周歷賊所宣

布

恩德疏請殲其大憝餘悉解散歸農新野民感之建生祠焉旋以滇南多事調鎮開化開故與交接壞大軍征緬逆木邦路梗督帥鄂公疏薦奉

旨着喬冲杓赴援通糧道接濟宛頂山簡精銳相機堵剿冲杓聞

命兼程進軍次三台坡收集二龍山散出官兵得三百十三人激以忠義轉戰而前所向皆披靡宛頂通默檄游擊袁夢齡守備陳言志各領所部晚會黑山門護軍餉兼爲聲援夜半天大雪斷巨綆灌油爲炬兵

交城縣志

卷八

人物

二十

各一束潛伏林箐間冲杓帥七騎先登蜂擁直上無不一當百據賊要害縱炮焚賊砦賊覺見徧山皆火光伏兵相應起袁陳兩軍乘之呼聲動天地賊奔潰俘馘以千計時乾隆三十三年正月也捷

聞

晉都督改鎮衢嚴

欽頒坐名

勅諭一道尋署浙江提督大兵征金川調湖南鎮筵遷湖北宜昌冲杓上方畧

命督湖廣大軍獨當一面攻達爾扎克身先士卒大戰

小雪山步步爲營得據九把鎖格魯瓦角一帶山巔
破賊卡無算手斷巨酋臂身被十數鎗不少却駐大
海山裏瘡復進奪獲凱歌坪炮台山黑山梁諸要地
燬勒烏危大碉紗帽碉孫克爾宗大碉血戰十晝夜
遂克可步曲大山隘直搗喀拉依括耳巖巢穴是役
也冲杓戰功爲諸將最凱旋奉

旨陞見自以年屆懸車兼染瘴癘求解兵

温旨慰留屢疏懇請始奉

俞旨乘傳歸歲辛丑

翠華幸五台冲杓迎

交城縣志

卷八

人物

二十一

蹕

寵待殷渥起故官力辭乃止年七十有八歲卒於家大
吏不時奏故
贈諡弗及論者惜之

忠孝節義

國於天地必有與立吾儒言三綱管子言四維者是也世衰道污綱維弛絕其間峻節貞行如孤月晨星寥寥無幾歐陽子修五代史極稱王彥章忠勇而於馮道傳末旁及李凝妻斷臂一事蓋舉武夫貧婦以深愧夫長樂老一流而當日販君賣國靦不知恥者且踵相接也可勿悲哉交城蕞爾邑凡忠孝節義自康熙五十年前具載邑志此後近二百年得之分道採訪者以數十百計而其中志節尤烈視死如歸可入獨行傳者且不乏人嘻何其盛也以是見 聖朝

明倫之化淪肌浹髓實足以跨唐越漢遠企三代非臣子貢媚之詞矣後之君子有意於扶植綱常則其流及下其風自上所以鼓舞而振興之者責固有專屬者歟志忠孝節義第十七

忠烈

胡曰藩市崇坊人明崇禎初省祭官七年交山寇倡亂巡道帶兵搜剿檄曰藩解糧犒兵住菴上堡賊乘夜劫糧曰藩以文人持刀拒鬥力竭死之邑令王凝命念以王事捐軀發資殯葬牲醴祭之厚恤其家

張 銓成村都人武庠生康熙間山寇虜掠銓率村眾

持械驅逐射殪二賊餘逃入山又單騎衝入賊中遂
爲賊困縛於樹鬻割之復摘其頭以去事聞優恤

武靜藩安定都人由武庠生拔太原鎮右營外委嘉慶
元年教匪滋事在河南新野接仗眾寡不敵陣亡入
祀昭忠祠

武陞泰安定都人由武庠生拔太原鎮左營外委嘉慶
四年川匪滋事調晉兵幫剿陞泰懸軍深入失利陣
亡於穆家壩入祀昭忠祠

宋清魁義西都人道光癸卯武舉甲辰進士頭等待衛
授湖北德安營參將在任八年頗著政績咸豐四年

粵匪洪楊大股圍攻德安清魁勵眾守禦後以糧盡
援絕城陷死難奏請獎照副將陣亡例賜卹頒給祭
葬銀五百兩子庠生懋猷襲雲騎尉三代後恩騎尉
世襲罔替

武來雨號聽濤屯蘭都人道光辛巳舉人大挑一等官
四川綿竹有政聲軍功得州秩咸豐八年代理慶符
事慶符小邑也無城界於黔九年七月滇匪由筠連
一帶擾及慶符來雨親率土團堵禦出城數十里悉
潰散雨知獨力難支痛哭回縣端坐堂皇賊前驅猝
至脅降不從遂攢刺之至死罵不絕口酋感其忠率

眾羅拜具棺殮焉並拘僧道追薦賊退民捐地厚葬
爲之建坊立祠妾張氏知來雨出城已決死志先期
斃其乳哺兒亦於後堂自縊以殉後任某得其遺筆
臚陳請卹同時彭水令陽曲拔貢張尚浴爲之跋存
慶符祠堂交城爲桑梓地特錄之以彰忠節辭曰守
土無狀不肖知縣武來雨泣血頓首雨幸叨科名毫
無韜略生靈塗炭咎實難辭上負 國家委任之恩
下慚百姓仰望之意然開門揖盜始自筠連起衅失
機作於宜邑匪皆烏合民受魚殃無城無兵罪當共
諒匪入符連不過五六百人無
鎗無炮奈團勇先已潰散今日死節分所當然

交城縣志

卷八

人物

二十四

雨妾張氏同日縊死幼兒符官亦死無兒無女家鄉
族尚可繼僅存妻李氏痛哉來雨死也賊至殺我眷
口勿傷我百姓
死亦瞑目矣

兩袖清風無所歸葬慶符山清水秀
雨深羨慕倘將來平定後士民垂憐覓我屍骸擇一
善地樹深竹茂更植梅花數百株築屋數椽穴葬其
間夫妻相倚建一牌坊題曰清死節縣令武來雨之
墓則生生世世圖報無窮也四川代辦慶符縣知縣
武來雨殉難遺筆

孝子

明

呂 誠太平坊人母死不入私室哀甚幾滅性廬墓三年鄉人以孝表焉

常 福庠生陽渠都人父故卧於棺側不入私室及葬成禮卽日廬墓左寢苦枕塊日夜悲泣如是者三年有司旌其孝

孫 昂太平坊人性純孝父母没各廬墓三年早晚號泣獻食有鴉羣集相對哀鳴如助其悲聲遂結巢於墓日久不散後緣事至陝將渡黃河忽見斑白叟驚

交城縣志

卷八

人物

二十五

詢曰子交城之孫昂耶孝子也誠無急渡待別船與子偕遂止須臾前渡者中流盡覆老人亦不見人以爲純孝所感祀孝弟祠

國朝

任道遠米東都人天性純孝生平不讀書晨昏問視出於至誠迨事繼母如生母知縣米世發等公請旌獎徐學顏鄭段都人父琰乾隆初貿易瀋陽二十餘年不通音耗迨學顏壯徒步出山海關徧訪無知者藉醫術資生備嘗險阻四越寒暑至吉林極東之北屯地方始遇父故友爲言琰客死已七年引指塵莽中得

片碣姓氏月日宛然啟櫬返里祔先塋焉

康九卿鄭段都人事寡母至孝先意承志數十年如一
日母偶病衣不解帶侍奉湯藥每黎明叩首文昌神
前願折己算增母壽神示以夢母疾果愈後壽至百
歲強健如少壯九卿老白首猶率諸孫效斑衣戲以
博母懽至今里巷舉孝親者以九卿爲矜式

陰執競字繩武太學生邑之河北都盤道村人世居山
中家多令德執競十五失怙事母以孝故貧窶務農
而甘旨弗缺母中歲失明醫云病以虛受非得鹿茸
不效然貧不能購日哭禱於神一日山行忽見巨鹿

卧壠頭趨視之身帶火器傷二角宛然茸也喜極負
歸先以藥敷傷處隨取其茸配丸奉母不數月日漸
復明後始知鹿在寧武山爲獵者所擊帶創絕奔已
三百餘里人以爲有神驅之世業岐黃因母病而醫
術益精遠近活人無算其餘善行尤夥不能悉記也
閩桂高市東廂人事親以孝聞後失恃其父續娶桂高
己生子孝養繼母愈於所生及子二十餘歲猶不知
繼王母非親生者待伯叔尤盡禮族中有絕墓二區
久爲鄰人平毀桂高求村老指其處重加封築歲時
設祭至今子孫克繩堂構人以爲孝德之報

張俊儒市崇坊人家貧習皮工客於遼東叔某早喪於外無力歸葬其父寄信曰爾能攜叔櫬回鄉我心安矣以皮工積貲無多遂藏骨於匣徒步負之還卜葬祖塋厥後俊儒子孫繼繼繩繩有讀書成名者

趙鴻瑞字天祥原瓶都人營總文繡之生父也賦性純孝父爲塞北大賈善居積幼隨父行商左右就養朝夕問視失怙事母如父時羣從昆季覬其有欲瓜分之天祥聞延諸父老曰昔父嘗以張公藝范文正之高誼再三講解言猶在耳何忍吝貲財而薄骨肉爰計所有慨然分給并諸姑伯姊均賚之戚友之貧者莫不受其河潤宗族鄉黨以孝友稱生丈夫子五有列膠庠者有登仕版者老膺封典邑人賢之道光十五年卒論定公舉

楊徐氏西南都從九品楊士俊妻庠生楊來軒母士俊之父老而鰥以脾泄久痢裋褐衣袴時蒙不潔僕嫗洗濯時有違言氏知之遂早晚乘翁睡熟親爲湔滌以柏香薰暖進之二十年如一日翁以九十壽終氏每向子來軒道曰我事親數十年今雖欲滌穢不能矣言之淚隨聲下

邢陰氏河北都處士邢飽德之妻孝子陰執競長女幼

嫺閨訓工詩善書尤精醫術及適邢事翁姑能得其歡心繼姑武氏喪明氏出入扶持垂三十年常禱於天特製靈藥徧療鄉僻無醫之症冀姑目重明旋得奇方不數服目頓明欣然曰此吾婦積誠所致也同治元年邑舉賢孝奉 旨坊表

張有聲奈西都人遠商瀋陽父在家晚年病啞左右侍奉輒違意病增劇有聲聞信回籍侍親伺食息無不體貼盡致能得歡心終父之世跬步不敢離常語人曰雖出門獲萬金不如在家奉親一刻也女弟二均孀夫家無可依有聲迎歸兩家孤寡賴以存活體母

意也光緒三四年間沿村旱疫有聲傾其資拯救鄉黨掩埋路殍而宗人之藉以濟者尤眾是以東西汾陽等村以孝名者推有聲而仗義恤困者亦以有聲爲首云

張步雲米東都米家庄農家子性純孝其父偶見戚鄰子弟迎學煊耀輒稱羨不置步雲仰體親心情願獨力耕田節餘資供弟步桂讀探鄰村有老儒某設帳授徒俾弟執贄門下每負柴米趁墟必購酒肉果餌遺弟轉獻其師餘半歸以奉親至塾中應需筆墨及衣食瑣屑無不早爲之備以壹弟志積歲不懈步桂

亦善承父兄志弱冠入庠焉

張三錫辛北都人性謹厚事親以孝因家貧服賈遠方
嗣念母年老耳目漸不聰明行動需人遂決意辭歸
歸化城距交干有餘里六晝夜馳歸侍母左右飲食
必親者垂四十年迨母疾衣不解帶者幾半載歿則
悲戚如孺子喪葬盡禮一鄉胥化焉

閻秉信廩貢生西隅坊人謹厚有至性髫年失怙哀痛
如成人依兄秉義尊之如父事繼母四十年躬親奉
養出入扶持到老不懈繼母病晝夜侍湯藥三年不
離側戚里咸稱其孝焉

交城縣志

卷八

人物

二十九

王振序武生安定都人幼失恃哀號躑躅無異成人父
續娶胡氏振序體貼父意依依膝下飲食不離及親
沒喪葬盡禮每遇周忌縞服流涕終日不食且居鄉
排難解紛尤多義舉有鄰婦虐其養媳幾瀕於死振
序輒矜恤之卒賴以生鄰婦亦感化焉

李躍鯤廩生市東廂嘉慶初年人髫齡失怙事母以孝
聞迨母喪祭葬均以禮終身未嘗見笑容諸兄嫂以
爭產涉訟躍鯤推己所有悉分潤之訟解而骨肉之
情如初尤爲宗黨所欽尚

劉醜賈人子無名字以其貌醜人皆呼之爲劉醜云

其祖經商於墨爾根死焉父又繼往時醜方在襁褓
家故貧父又去久無耗母益困賴其外氏周卹乃稍
得免於凍餒醜稍長至十二三歲性極愚騃不知有
人間事然事母至孝出入頓合規矩一飲一食奉事
惟謹若其母稍有不悅則憂懼不知所爲必得其歡
而後已一日忽問母曰人皆有父兒何獨無母語之
故且泣醜亦泣遂慨然欲往尋之母曰衣食且仰給
於人何以資汝長途之費汝又愚而且幼乃欲奔走
萬里脫有他故則劉氏絕矣醜曰兒往不須貲也兒
雖愚然無所較於人一身之外無長物人亦無所羨

於我夫何懼母不許則終日憂戚至廢寢食母無奈
亦任之一日晨起別母出門竟去沿途且行且乞半
年餘底其父所父方以賈失利頗困乏醜曰兒觀賣
菜者日有所得皆能自給何離家萬里而受困若此
乎不如其歸也父不聽醜泣諫父呵之數月見其父
終無歸志而念母甚遂獨歸入門母無恙則喜甚語
其故則又母子相對泣越三年人有言其父死者醜
乃仰天長號曰吾父竟不返矣然是時母方抱病醜
晨夕奉事不敢暫離年餘忽謂醜曰吾病將不起然
兩世枯骨竟葬異域汝又無所成吾不意人生之苦

乃至於此一慟而絕醜哀毀泣血慘動行路凡殯葬
所需俱賴其外氏得以成禮既葬乃復往所謂墨爾
根者至則求祖之骸父之骸盛以二囊醜固多力負
之而行人皆感其孝釀貲以贈醜曰無須我以乞食
來仍以乞食返且吾獨行無偶持此恐反爲累耳一
日行山中遇虎醜甚懼而虎卧不動熟視久之乃遂
巡去聞者咸以爲異及歸鄉之人莫不感慨流涕以
爲醜固愚而兩世之骨終賴以歸則其愚也終勝於
無也既葬醜無所歸久之竟去不知所終

悌弟

陰是競字惜分郡庠生孝子陰執競胞弟也自幼失怙
卽躡踊如禮事母孝事兄尤謹家處深山六歲時從
兄於田遇虎兄以身障之是競遽前攫虎而立虎忽
引頸從別路去兄以憨叱之是競曰我非不知虎能
傷人惟得我當之則兄免矣其天性之篤愛如此兄
病嘗藥視寢勤苦逾於諸姪每於夜深呼天求代諸
姪皆爲感而成孝兄歿是競年六十矣哀哀如孺子
水漿不入口者數日喪葬盡禮教養諸姪學成名立
監生步霄庠生步雲丁卯舉人步霞其胞姪也是競

四子步瀛等均能以功名世其家同治五年舉悌弟
奉 旨坊表祠祀

呂振新字紹銘太平坊人天性孝友喜讀書家徒壁立
橐筆游四方冀得貲以養母復進身闈闈中日勤所
事夜發篋誦讀寒暑不輟後旋里適縣試遂游泮習
舉子業甚勤丁卯舉於鄉因母年高不復遠游生平
好靜不尙紛華設帳隣邑每歲所得脩脯悉登諸籍
及歸盡納兄長絲毫不敢自私其輕貲財厚骨肉如
此邑人皆賢之以爲克盡悌道云

節烈

明

胡氏胡文女年十七歲嫁蘇子良爲妻子良卒誓不再醮守節六十七歲萬曆元年旌其門

呂氏米東都人呂廷佐女年十六歲嫁任弼爲妻生一子而弼亡時氏年甫十九孀居守節七十八歲卒鄉人稱之有司聞而旌獎焉

王氏王宗儀女年十六嫁楊希儒儒早亡氏無出有庶出二子往往富家求娶泣曰母老子幼吾去若將何之吾終爲楊氏鬼耳矢志堅貞事母育子終始如

交城縣志

卷八

人物

三十二

一有司聞而旌表之

孫氏孫正女年十六嫁生員韓宗周爲妻周逝氏年十九勵志守節撫育遺孤韓偉成立年八十有四而卒有司旌表其門

劉氏劉治邦女嫁孫偉爲妻偉故氏年二十一念姑孫氏孀居無人侍養誓不再嫁年八十有六全節以終有司旌表其門

張氏史萬莊妻莊卒氏年十九舅姑老子幼氏養親撫孤誓不再適人不能奪其志壽七十有四萬曆十六年有司以貞節表其門

翟 氏翟天雷女適韓宗信時年二十痛夫故卽晚自
縊救醒不七日卒縊死按院宋公旌其門

曹 氏中西都馬安坪聶三之妻天啟初年山賊嘯掠
鄉村氏方二十三歲賊欲淫污給以他辭稍緩乘便
自縊有司申其事于道院詳批每年給穀三石以養
翁姑大參王公作誄刻石于演武場

安 氏水東都康家社惠貞旺妻也明末大亂氏年十
九歲生女甫三月夫被殺翁姑以孀婦避難不便欲
更適之氏聞啼哭終日至夜卧女于牀潛出縊死於
龍王廟

交城縣志

卷八 人物

三十四

國朝

韓 氏道德坊人庠生韓與祥之女嫁庠生李成秀爲
妻事舅姑以孝事夫以敬年二十二歲舉一子法而
成秀亡守節教子成立爲邑廩生年七十一歲康熙
八年公舉節婦

楊 氏庠生楊邦彥之女市東廂義耆丁珣之妻年方
二十一歲珣亡苦志守節窮約不變年七十有六康
熙八年闔學公舉節婦

許 氏水東都人生員衛之屏妻貢生衛懿典母也夫
卒年三十歲誓不改節時西山寇亂播遷無甯日操

持不渝年八十三歲

常 氏陽渠都人儀賓常考文之女西南都解一經之
曾孫解應乾妻也幼讀女經列女傳適乾五載乾故
一子襁褓戚屬勸以再醮氏直斥之終其身簪珥不
飾茹荼育孤子文光孫廩生三才俱成立年七十一
卒康熙八年公舉節婦

閻 氏市東廂人郭傑之妻也生子未離襁褓夫遂永
訣撫孤成立茹荼四十餘年子孫繁盛康熙八年公
舉節婦

張 氏中西都人覃可仕之妻覃節之母年十七歲夫
卒矢志守節巨室百計求之不能得年八十二歲

王 氏安定都人郭倫新之妻夫卒家貧敗絮遮身終
不他適年八十歲

張 氏來蘇坊人解文煥之妻夫卒年二十五歲以撫
孤爲已任一子僅十五復夭有勸再醮者氏厲色拒
之衣食不給毫無愠色

連 氏來蘇坊人解鋌之妻鋌亡氏年二十四歲矢志
守節孤子解之精復早亡遺孫解文燦尙在襁褓精
妻楊氏亦撫孤守節不嫁

楊 氏中西都人覃成象妻楊登旺女也夫故氏年十

八歲矢志守節孝養舅姑撫育遺孤人無間言

孫曹

氏李珮環之妻俱市東廂人時本縣西山寇盜肆掠

妯娌相勵誓不受辱賊至逼脅相繼投井賊出之者再二婦厲罵復投井死賊怒覆以大石而去

胡氏市崇坊胡清之女道德坊白象鈿之妻也年二十其姑與夫並長子振業同日而亡惟遺次子振新甫二歲家貧不能自給親族勸以改適氏峻拒之飲冰茹檠三十餘年撫振新成立爲邑廩生氏卒年六十七歲康熙四十七年公舉節婦知縣洪璟詳請旌獎學院鄒給苦節流芳扁額表其門

交城縣志

卷八

人物

三十六

任氏米東都人孝子任道遠之女適太平坊庠生游漢儒爲妻年十九歲夫亡遺孤甫半歲撫育成立歷年七十四歲守節五十五年康熙四十七年孫達陳請牒學核實准載節婦

曹氏市東廂人監生呂暹妻年甫二十有五夫亡守節四十年康熙四十七年故享年六十四歲是冬公舉節婦

胡氏原瓶都人庠生張爾抱妻年二十一歲夫亡撫孤年六十歲守節四十餘年康熙四十七年公舉節婦

孫 氏辛北都人年十七配蘇若轍舉一子名應麟而若轍病故氏年二十有三甘貧守志教子成立事姑以孝聞苦節三十七載康熙四十七年闔學公舉節婦

田 氏市東廂人庠生丁作舟妻十九歲喪夫時遺孤光湯方在襁褓氏矢志撫育教其成立爲邑諸生年六十餘守節四十年康熙四十七年公舉節婦

孟 氏西隅坊人庠生陳大典之妻年甫二十夫亡守節四十餘年教子君求爲邑諸生康熙四十七年公舉節婦

武 氏河北都人邢立極妻年二十二歲夫亡遺子矢志守節撫孤歷今三十載性尤好施予敦睦爲鄉黨所稱康熙四十八年春公舉節婦

徐 氏原瓶都庠生張士璠之妻武舉國泰之母廩生啟瑞之祖母副榜景曾之曾祖母庠生浩然徐公之女也年二十一歲夫亡撫遺腹以承宗祀事孀姑以盡孝養因夫嫻於武藝未獲科第教子繼父志習武道光乙酉科遂蒙鄉薦守節五十八年七十八歲壽終公舉節孝特蒙旌表崇祀節孝祠

潘 氏西隅坊民薛恩賜之妻夫亡矢志守節之死靡

他戚黨欲爲請旌氏力拒之後蒙闔學公舉

宋 氏辛北都民賈萬祥之妻夫亡後有以他適勸者
氏以死誓清操自矢終其身無閒言

李 氏安定都王宇淑之妻十八歲夫卒氏號泣終日
仰藥以殉

孟 氏辛北都民賈廷芝之妻二十三歲夫亡自縊
前以殉

魏 氏洪相村民李得名之妻被村惡調戲羞忿自縊
古 氏覃東都高成名妻被族某以穢言詈辱氣忿自

縊鄉人賢之爲請旌焉

市東廂

劉 氏 韓 偉妻 閻 氏 路受祺妻

弓 氏 李兆捷妻 張 氏 曹滿義妻

武 氏 郭蘊璜妻 曹 氏 析象和妻

韓 氏 李 麓妻 孫 氏 生庠 呂豐恩妻

耿 氏 潘毓棟妻 陳 氏 路 妥妻

解 氏 李錫穀妻 趙 氏 李凌魁妻

閻 氏 呂光周妻 閻 氏 侯執登妻

王 氏 呂 沛妻 閻 氏 侯遇賢繼妻

王 氏 燕京正妻 張 氏 李經方妻

市崇坊

章氏 張學禮妻 劉氏 李靖妻

姚氏 楊吉奇繼妻 王氏生庠 李紅妻

路氏 張中和妻 張氏 曹廷璋妻

任氏從九 李如璧妻 楊氏 牛昌泰妻

太平坊

康氏 孫太誥妻 賈氏貢生 孫璫妻

王氏 孫元妻 王氏 孫芑妻

嚴氏 閻恭妻

西隅坊

交城縣志

卷八

人物

三十九

郝氏生庠 蘇瀛甲妻 薛氏 陳鳳雲妻

李氏武生 閻鼈妻 任氏 薛漢妻

石氏 薛應富妻 花氏 閻秉禮妻

張氏 薛德仁妻 張氏 薛夢彪妻

武氏 薛廷佐妻 呂氏 陳效周妻

白氏 高斌妻 張氏 閻秉和妻

道德坊

陳氏生庠 康功妻 張氏 毋振魁妻

牛氏 李生芳妻 閻氏 李登妻

張氏 李映瑾妻 張氏 毋天順妻

岳氏 郭啟林妻

來蘇坊

賈氏 閻賦明妻 常氏 徐 閏繼妻

白氏 康 碩妻 張氏 徐明倫妻

王氏 子孝 解廷魁妻

鄭段都

白氏 封職 李可長妻 鄭氏 監生 李慶長妻

范氏 徐學孔妻 馬氏 張萬會妻

王氏 連步誠妻 康氏 任德寶妻

胡氏 武長發妻 潘氏 賈連殿妻

交城縣志

卷八

人物

四十

陳氏 賈連科妻 劉氏 李秉衡妻

陽渠都

孫氏 張 綽妻 康氏 張 濤妻

張氏 田起元妻 范氏 荀儒昌妻

曹氏 王楨臨妻 王氏 張植三妻

張氏 常正心妻

義東都

張氏 喬冲璧妻 楊氏 褚配椿妻

李氏 耿大懋妻 靳氏 郭俊泰妻

花氏 牛永魁妻 楊氏 監生 褚寵錫妻

褚氏 高大鵬妻 蔚氏 郭映辰妻

王氏 喬如巖妻

義西都

張氏 郭若崑妻 侯氏生武 郭立猷妻

宋氏生武 耿邦華妻 王氏 曹永昌妻

孫氏 宋昌泰妻 趙氏生附 武延年妻

連氏 雷元富妻 羅氏貢拔 宋祖誠妻

陳氏 郭其寬妻 申氏 郭通山妻

盧氏 郭錫肇妻 樊氏 郭佑平妻

王氏 郭錫信妻 逯氏 古鶴齡妻

交城縣志

卷八

人物

四十一

高氏 盧文發妻 胡氏 丁壽舜妻

覃東都

牛氏 武寶輝妻 武氏 周元辰妻

張氏 周作樑妻 張氏 周作肅妻

張氏 任天佑妻

奈西都

陳氏 侯楚妻 汪氏 王學禮妻

解氏 蔚松年妻 武氏 閻儒泰妻

李氏 馬乘風妻 梁氏 王景山妻

田氏 張泰春妻 呂氏 王錦山妻

王氏 岳化南妻 花氏 王藩妻

高氏 李蔚林妻

辛北都

孟氏武生 賈廷芝妻 蔚氏 賈金玉妻

閻氏 武受恩妻 賈氏 張以高妻

郭氏 成體全妻 徐氏 安永亮妻

張氏 安天喜妻 師氏 安治昌妻

楊氏 馬剛妻 張氏 蘇文善妻

張氏 蘇聯魁妻 賈氏 張明高妻

郭氏 温沛泉妻 武氏 耿憲章妻

交城縣志

卷八

人物

四十二

解氏 安憲妻 師氏 安治元妻

成氏 温清妻 李氏 梁成桂繼妻

岳氏 石之璇繼妻 成氏 梁東義妻

張氏 梁益謙妻 白氏 梁隣趙妻

賈氏 梁蘭德妻

白氏捐職布政使 理問 梁進祥妻

安定都

賈氏武生 王璧妻 王氏 賈成瑄妻

梁氏庠生 呂必昌繼妻 雙氏 王學和繼妻

宋氏庠生 王宇洽妻 韓氏 王以汾妻

武氏 楊世級妻

張氏 武秉鈞妻

李氏 廩生 賈廷綬妻

游氏 王正財妻

曹氏 王步順妻

崔氏 王步蟾妻

枉氏 王魁元妻

韓氏 武陞泰妻

張氏 武清泰妻

劉氏 王玉瑞妻

薛氏 王以舟妻

張氏 王以明妻

張氏 王錫信妻

石氏 王諭繼妻

司氏 游萬銀妻

房氏 王清烈妻

武氏 賈廷雄妻

張氏 王清秀妻

張氏 王貞吉妻

楊氏 榮凌霞妻

交城縣志

卷八

人物

四十二

閻氏 白際清妻

王氏 宋寬元妻

宋氏 李純儒妻

洪安都

王氏 宋寬妻

胡氏 郝如瑗妻

河北都

陰氏 李玉應妻

邢氏 武會來妻

張氏 邢保周妻

靳氏 千總 張騏妻

王氏 張成謨妻

程氏 李雲山妻

閻氏 李文山妻

原瓶都

徐氏 高志謙妻

劉氏 生庠 韓懷古妻

孟氏 張永泰妻

王氏 傅德鼎妻

石氏 張奇魁妻

李氏 張寅妻

任氏 李鳳山妻

伍氏 武生輝妻

閻氏 張起祥妻

閻氏 張作全妻

章氏 張學清妻

郭氏 生附 韓鰲妻

雷氏 生監 韓應慶妻

王氏 李林恒妻

趙氏 武延年妻

王氏 生廩 張繡儒妻

任氏 賀爾正妻

屯蘭都

胡氏 武玫妻

張氏 康思瓚妻

康氏 冀振基妻

孟氏 武崢嶸妻

郝氏 趙生謨妻

郝氏 武維揚妻

水東都

閻氏 張九思妻

楊氏 閻際昌妻

武氏 閻際安妻

游氏 生庠 閻閻妻

折氏 張德通妻

水北都

劉氏 生庠 白瑤妻

高氏 劉玉繼妻

牛氏 郝貴德妻

任氏 游夢鼈妻

孫氏 孔道宏妻 任氏 賈振倫妻

任氏 薛泰和妻 劉氏 覃義妻

王氏 覃元贊妻 呂氏 覃世恩妻

解氏 牛作幹妻 章氏 張啟鼈妻

王氏 張現明妻

米東都

牛氏 霍澄儒妻 喬氏 張冲福妻

荀氏 張濂妻 王氏 張興義妻

孟氏 師效聖妻 武氏 楊載陽妻

東氏 楊鳳棲妻 王氏 楊兆麟妻

交城縣志

卷八

人物

四十五

西南都

韓氏 石敏妻 劉氏 石岩妻

武氏 石夢武繼妻 陳氏 靳作賓妻

古氏 解天敘妻 閻氏 靳貴璉妻

李氏 石瑚妻 劉氏 王昌寬妻

古氏 解武揚妻

寧化屯

蘇氏 閻壽長妻 王氏 張直妻

陳氏 張維和妻 王氏 殷大喜妻

郝氏 郭棲鳳妻 郝氏 郭興安妻

張氏閻妻

未旌

田氏二女節烈長適覃東都民任尙弼次適弼弟尙書以姊妹嫁弟兄尙弼卒無子妻年二十四誓不二夫期弟得子爲承嗣計苦守三十二年歿其妹祇生一子原擬雙祧未幾尙書又死家計愈難書妻力保孤子以副姊意子復以痘殤乃撫尸慟曰天使我絕又何面見丈夫姊氏於地下遂不食死時年四十

馬氏鄭段都民任成宏妻十七于歸結褵未幾成宏卽遠賈於陝逾年客死家有山田數畝氏乳哺孤子

交城縣志

卷八

人物

四十六

日厭藜藿身不出戶外誓不二心及子稍長言其父死所變產詣陝克體母志負骨以歸後子以療亡同族無嗣可繼氏暮年猶紡績牧豕每春夏之交遍拾野菜自食其力年近古稀神明不衰一鄉憫其苦節閻氏市東廂民李綏祚妻十七歲夫亡誓不獨生痛哭月餘絕粒不死遂倒投水甕氣塞而盡鄉人哀之製誓不二天額光其閭門

郭氏市東廂人郭連邦女嫁成村梁步忠之子道光二十年正月歸甯母適他出突有强暴乘間入室刀脅求合氏喊救哭詈遂疊刃而逸本府委員會驗距

死時已數月開棺面目如生適盛夏昇烈日中無蠅
蚋亦無臭氣萬目共見爭異之房中攀折炕磚數方
滿地血跡尚滲紅也

陳 氏市東廂人路克信妻陳錫周之女咸豐庚申克
信貿易外出氏翁及子相繼死氏竭力營殮未久克
信客死喪歸之日氏年二十九引刀自刎未殊人有
喻以姑老無嗣之人侍養之義乃扶創遍告同族助
資奉姑愛繼族姪及長爲之娶婦不數年子媳又亡
復繼族孫處困之志愈老愈堅二十餘年姑以壽終
挈嗣孫開祖塋葬之以禮歸而言於族曰當初人勸
我不死今大事已畢得從於地下矣旋鬱鬱病卒

交城縣志

卷八

人物

四十七

王 氏安定都民賈廷仁妻年十五適賈數月夫亡母
家勸其改志誓以死守仰十指孝養病姑衣食不缺
同族嫌其貧無與嗣者氏亦淡然弗較姑旋以壽終
適奇荒井里爲墟竟染疫死年三十七

徐 氏安定都民賈廷肱妻二十七歲夫故苦守二十
七年遭荒絕食臨斃猶密紉其裳不可解里人以原
衣殮之從其志也

宋 氏義東都民喬棲鳳妻年十八適喬未數月棲鳳
病不起氏伺湯藥期歲無懈志及鳳病篤以氏青年

囑令他適氏誓以身殉棲鳳歿氏啼泣數日絕食而殞

王 氏屯蘭都民孫樂雲妻樂雲苦作度曰氏方少艾光緒丁丑灾侵斷炊數日夫勸其改適圖生氏堅矢曰遇患難而苟全非理也背夫飲毒死村人憐其苦釀資殮之

胡 氏奈西都民張朋福妻張有義之媳遭大侵一門十一口饑斃其七朋福父子亦相繼亡氏年二十六僅留一子六歲人有勸其隨子改適者氏誓甘藜藿掩耳不聽未久子亦以疫亡氏大言曰吾無望矣投

井死族人張有聲斂其尸爲之攢葬焉

郭 氏水東都民張士統妻年十七歲夫亡一子初生誓不再醮子及三歲亦亡氏遂決意不生乘間仰藥而死人咸嘆服其節烈云

王 氏米東都楊周棠之妻庠生楊召棠之弟婦也年二十四歲夫故時子學孔纔三歲氏誓不再醮事姑如母撫孤不懈及今守節二十四年子已成立冰霜自勵毫無閒言隣里俱稱羨之

連 氏成村都王天化之妻二十七歲夫亡子甫三歲氏撫孤育子誓不他適現年五十四歲

盧氏覃東都米增榮之妻二十三歲夫亡氏冰霜自勵之死靡他現年五十八歲

王氏覃東都花受敦之妻二十二歲夫歿氏勤儉守貞潔清白誓子依閤故後又撫孤孫艱苦備嘗鄉黨敬憫及今守節三十五年淡泊自勵始終一轍

花氏覃東都秦積之妻二十三歲夫故子秦印方四歲氏堅志守節義方訓子及今苦守二十六年閭里皆推重之

董氏覃東都周作霖之妻二十八歲夫故氏苦節自甘死不二志長子少亡撫二子以成立計守節三十

一年現今五十九歲

張氏奈西都王居仁之妻二十二歲夫故甘心守節四十一年現年六十三歲

曹氏義西都武增之妻年十八歲夫故於外氏聞之哀毀成疾年餘而亡蒙朱學憲贈志堅金石四字

任氏義東都耿文質之妻二十二歲夫故氏潔清自守艱苦備至迄今守節四十一年現年六十三歲

劉氏屯蘭都郝元福之妻年二十歲夫故遺子甫二齡氏立志守節撫孤計守節六十七年至同治七年享壽八十七歲而逝

靳氏原瓶都韓懷琛之妻年二十二歲夫故飲冰茹
藥之死靡他至今守節二十九年現年五十一歲
林氏義西都米廷槐之繼妻年二十三歲守節二十
一年現年四十四歲

市東廂

武氏 呂繼林妻守節二十六年

徐氏 張振名妻守節二十六年

高氏 監生李向元妻守節二十八年

王氏 廩生郭雲衢妻守節三十一年

張氏 李士瀛妻守節三十六年

交城縣志

卷八

人物

五十

閻氏 李登龍妻守節三十二年

郭氏 燕培桂妻守節三十六年

劉氏 閻 琚妻守節五十五年

市崇坊

樊氏 楊 環妻守節三十一年

郭氏 陳開任妻守節三十六年

王氏 武迪榮妻守節三十五年

郭氏 張

張氏 武安邦妻守節五十六年

榮氏 胡其簡妻守節三十一年

太平坊

武氏

孫德秀妻 故

馮氏

孫國輝妻 故

石氏

孫輝妻守節三十二年

徐氏

孫筆妻 故

覃氏

孫滿妻 故

郝氏

呂毓章妻守節五十七年

孫氏

貢生李秀章妻守節四十六年

王氏

議叙李恒長妻守節二十四年

牛氏

劉天福妻守節四十二年

交城縣志

卷八

人物

五十一

岳氏

李光昌妻守節八年 故

白氏

李任長妻守節二十五年

褚氏

何蘭妻守節五十年

賈氏

徐松妻守節五十二年

張氏

連廣金妻守節三十七年

郭氏

連世傑妻守節

候氏

連步臯妻守節二十八年

王氏

連振猷妻守節十八年 故

張氏

康登明妻守節三十七年

孟氏

馬應屏妻守節四十一年

廉氏

連永旺妻守節六十九年

張氏

宋必重妻守節三十四年

西隅坊

薛氏

劉時中妻守節五十三年

趙氏

閻秉智妻守節五十六年

道德坊

王氏

李致榮妻守節二十五年

武氏

申之榮妻守節四十八年

王氏

申秉聰妻守節五十一年

馬氏

田守仁妻守節三十四年

交城縣志

卷八

人物

五十二

王氏

李天恩妻守節二十四年

覃氏

申時至妻守節三十九年

覃氏

申義良妻守節四十一年

來蘇坊

成氏

趙玉成妻守節二十八年

陽渠都

章氏

張遇武妻守節六十二年

章氏

張音保妻守節二十七年

武氏

荀南宮妻守節四十二年

王氏

張克諝妻守節三十年

義西都

韓氏 郭丕成妻守節五十一年

郭氏 岳生鰲妻守節二十五年

覃東都

郭氏 武生張克恕妻守節二十四年

賀氏 郭正仁妻守節四十三年

樊氏 花朝聘妻守節五十三年

白氏 花朝忠妻守節五十八年

王氏 米文和妻守節十六年 故

王氏 郝敦倫妻守節三十三年

交城縣志

卷八

人物

五十三

楊氏 任子富妻守節四十二年

王氏 張懷祥妻守節四十九年

李氏 張勳業妻守節三十三年

章氏 張敏惠妻守節三十三年

奈西都

王氏 馮芝妻守節五十四年

王氏 蔚凌元妻守節四十三年

王氏 温茂魁妻守節五十九年

辛氏 張啟信妻守節五十三年

馬氏 張玉興妻守節二十二年

章氏 張東福妻守節四十四年

李氏 張世美妻守節三十二年

荀氏 張連登妻守節三十二年

成村都

鄭氏 薛明禮妻守節二十一年

馬氏 薛騰蛟妻守節三十一年

郭氏 張敦禮妻守節三十一年

胡氏 武繁子妻守節三十六年

安定都

申氏 賈成永妻守節四十一年

交城縣志

卷八

人物

五十四

張氏 賈希毅妻守節二十七年

王氏 賈成元妻守節四十一年

武氏 賈廷勳妻守節四十一年

王氏 賈希元妻守節三十五年

趙氏 王康吉妻守節二十七年

王氏 李映奎妻守節三十七年
故

耿氏 王俊林妻守節三十四年

徐氏 王錫銀妻守節二十四年

梁氏 賈希榮妻守節二十二年

王氏 賈廷儀妻守節三十二年

安氏

賈希喬妻守節十九年

張氏

王之貞妻守節三十一年

郝氏

榮文遠妻守節四十三年

王氏

賈廷英妻守節十六年

故

張氏

賈廷寬妻守節二十六年

王氏

賈廷安妻守節五十七年

王氏

賈廷榮妻守節二十五年

故

閻氏

李玉貴妻守節四十二年

張氏

貢生

王楚妻守節二十八年

故

郭氏

梁廷棟妻守節三十八年

交城縣志

卷八

人物

五十五

閻氏

從九

王以珍妻守節二十五年

潘氏

議叙品七

王以溫妻守節二十年

故

張氏

路致恭妻守節三十六年

任氏

王接成妻守節四十六年

洪安都

張氏

監生

王通德妻守節二十五年

河北都

嚴氏

閻茂舉妻守節四十六年

孫氏

閻錫林妻守節五十年

郝氏

康庶洪妻守節五十五年

弓氏 李來昌妻守節二十一年

閻氏 程永丑妻守節二十三年

武氏 閻世魁妻守節二十五年

張氏 王富春妻守節二十年 故

李氏 張煥錦妻守節二十二年

閻氏 張慶妻守節二十九年

張氏 李景棠妻守節二十五年

馬氏 王愛成妻守節三十三年

陰氏 李恩榮妻守節四十二年

原瓶都

宋氏 韓膺組妻守節三十三年

張氏 韓惺妻守節二十七年

牛氏 康滿山妻守節五十五年

徐氏 覃三光妻守節三十九年

武氏 生庠 趙之璧妻守節三十六年

王氏 張學讓妻守節三十年

趙氏 呂振祥妻守節二十三年

武氏 李鴻賓妻守節

屯蘭都

趙氏 武吉祿妻守節三十二年

李氏 武亮榮妻守節三十六年

白氏 武萬融妻守節四十七年

李氏 武維賢妻守節三十二年

孔氏 張士林妻守節三十年故

中東都

張氏 王肇瑜妻守節二十四年

倪氏 魏官國妻守節二十二年

水東都

張氏 衛守基妻守節三十九年

閻氏 任令美妻守節三十六年

交城縣志

卷八

人物

五十七

閻氏 麻永珍妻守節三十一年

戴氏 岳之樹妻守節二十二年

鄭氏 岳生魁妻守節三十三年

閻氏 温克強妻守節三十一年

王氏 閻有福妻守節三十七年

馬氏 張德昌妻守節四十年

米東都

章氏 張尙廉妻守節三十四年

任氏 翟世統妻守節三十一年

宋氏 張淑源妻守節二十二年

人舉

劉氏

張忠信妻守節五十六年

張氏

任秉泰妻守節二十二年

西南都

呂氏

蔚承統妻守節十二年

故

韓氏

馬祿有妻守節二十七年

故

安氏

鄭崇義妻守節二十五年

故

馬氏

安信業妻守節三十一年

薛氏

石萬慶妻守節四十一年

石氏

路步福妻守節四十一年

侯氏

王明綬妻守節三十七年

交城縣志

卷八

人物

五十八

水北都

房氏

王振齡妻守節四十四年

常氏

蘇唐霞妻守節二十九年

寧化屯

梁氏

王天魁妻守節二十八年

晉府屯

王氏

夏九如妻守節三十三年

米氏

夏補禮妻守節三十一年

永和屯

陳氏

白如玉妻守節三十九年

急公好義

閩 表太平坊人明正德六年饑出米一千二百石輸官賑濟有司奏聞建坊旌表

王 文市東廂人明正德六年輸粟一千二百石賑濟建坊旌表

陳 立西隅坊人明正德六年出粟一千二百石賑濟有司上其事建坊旌表

楊漸達道德坊人平居勸人孝弟收葬無主之骨者三載壽八十餘一日語其子復興曰我魄當降想在今夕矣是夜漏三下索浴湯盥畢而逝

解吾義庠生來蘇坊人廉隅自持崇禎十三年知縣辭磚築縣城委以總理出入捐助動以萬計任事勤慎毫忽無私修學修城俱載碑記

郭崇垣義西都民家饒於財好施與數濟窮困適縣中協辦軍需索馬甚急里老無力支墊有逃亡者崇垣獨以重值購健馬數十匹代里支差不受官價所費不貲幾破家焉邑令辭某稱富而好義有古烈士風云

郭 貴 國初義西都民家小康性仗義平日濟危扶困頗爲鄉里稱道同村有貧者議賣妻已有成約貴

聞之力阻娶者退約如數返其資另貸以本俾爲小
負販貧者夫婦感之不數年累積稍富連生五子其
子孫尚立郭貴恩人木主以祀康熙初署令侯以葛
天遺樸四字旌其閭至今猶懸里門

李裕仁原瓶都人居東塔村乾隆二十一年歲歉民饑
裕仁捐資助賑全活無算知縣段夢曰贈任卹可風
額六十一年預千叟宴 恩賜彩杖銀牌嘉慶元年
縣令克明贈碩德耆年額後以孫貴得膺 誥命九
十六歲無疾而終

張遇隆邑廩生陽渠都人乾隆間北山水漲漫入汾河

每春夏氾濫村東三里許大路湮沒行旅不前遇隆
捐資於村東迤北建石橋一座迤南建木橋一座後
雖屢有冲刷村人隨時補砌各有碑記至今民無病
涉者莫不頌遇隆爲首善云

古思恭義西都人爲人孝友恭謹臨財不苟失怙後兄
弟議析居思恭力阻不得遂求祖遺一椽蔽風雨此
外盡推於眾弟繼母不安弟居思恭迎歸孝養備至
家貧難具甘旨棄書就賈以資奉親婚同母弟嫁異
母妹皆獨任之富室王某子幼臨卒以家資巨萬並
孤兒泣托思恭經理出入分明不私毫髮後王姓兒

又殂三子俱稚孀婦仍以家務託之不數年業倍於前三子相謂曰吾家三代皆蒙其德酬以金帛弗受爲恭報捐清職晚年辭賈家居尤孜孜勸人爲善鄉人道其名皆起敬如陳孟公故事

李培因邑增生奈西都奈林村人家中貲性復好善嘉慶初村中以文風不振將以村南建文昌廟東建觀音廟工大費苦不足培因指已業質錢三千餘串力肩善果廟始落成厥後柰林文學曰盛人以爲建廟之應培因家漸落設帳祁縣誘掖後進曲盡其材每歲科試學徒獲雋者輒分縣額之半祁人以李一半

尊之至今昭餘談授徒者一半之名猶膾炙人口其子孫頗能以詩書繼其傳

張國泰字昇平號安軒乙酉武舉原瓶睦聯村人也少失怙事孀母能得歡心母喪年已及艾哀慕如孺子少年卽通六經四子書童試未售身魁梧膂力過人母命棄文就武繼父未成之志泰如母訓一舉成名性最鯁直兼惜物力邑中大工皆董其事繼爲黃邑尊舉監卦山天寧寺等工越八年之久徒步往來寒暑不輟毫忽無私故老嘖嘖稱之闔學公舉大賓得蒙鄉飲自今子孫均以文學世其家

王維和安定都人幼失恃事繼母以孝與弟鉞鑑友愛
肫摯維和居長獨肩家務不惜隆禮延名師課弟讀
衣服飲食擇美者推之不忍使其紛心後二弟登仕
籍至今子孫皆以儒業永其家邑中新建養正書院
費苦不足維和輸重資助膏火寒峻之士胥賴其惠
援例授都司未仕卒

郭煥章義西都人少長厚知禮及壯樂善好施凡矜孤
恤寡贊助婚喪之事莫不慷慨爭先以重金建本村
觀音堂東關外河水斷路捐創樂善橋渡行旅歲爲
雨潦衝塌煥章獨任修葺者數十年

交城縣志

卷八

人物

六十二

趙福貴市崇坊人居河口村素以孝聞光緒三四年大
旱嗷嗷遍野福貴出穀八十石建修本村廟宇數處
又築護村長堤一道以工代賑後苦不繼家儲粟二
十石罄所有濟之村民賴以全活合村迄無水患鄉
里稱之

張滿福水東都人居北山大濟溝村爲人好善樂施兼
通醫藥以救鄉鄰道光十五年遇荒張因己積粟無
多貨錢買米三十石以濟村人村人無不感德如鄰
近岔口村修 關帝廟施銀貳百兩本村修石橋又
施銀壹百兩此數端人無不知至若施衣施食惠顧

鄉鄰難以殫述時村某夜盜田中穀擔重力不能勝張至不惟不捕且與扶持村某知爲地主不勝赧顏置穀而去張令人將穀送至伊家好言撫慰遠近聞之莫不敬服後子若孫同年遊庠人咸謂積善之報云

燕懷璠字冠玉訓導懷琳胞弟也弱齡喪父賴兄教育成名爲邑增廣生事兄如父雖督責甚嚴而子弟之率不敢不謹人以悌弟稱性耿介又復精敏練習世故一生勤慎以公事爲己任董修卦山天寧寺督工八年自備騎乘不耗公款經手欸目井井有條人不

能得其毫髮私邑養正書院經乃兄蠲厚貲紀理修葺完整而師生修脯膏火之貲未備公承其志會同紳衿勸眾樂輸金兩千又酌定月課膏火章程俾永遠可行生童在院肄業每逢課期巡視維謹終日兀坐齋門日昃始歸數年無一人敢犯院規者既此金爲漳泉陳令提入內署許久不發復稟呈儒學王公輾轉設法極力營護方得發典商生息始終勤事不避勞怨如此

學博行修

呂奏中貢生太平坊人清白端方矩步不踰學使者傳
公文公兩旌優行

郭 秀 國初增生市東廂人博通素問諸書施藥濟
眾修學修城俱載碑記督學使袁公旌優行知縣李
世鐸舉鄉飲

覃 敏明庠生中西都人公勤任事時秋熟民有盜其
禾者見之色沮乃慰之曰此非我田也爾乏食取之
何妨盜益慚服績載修城碑記知縣薛國柱舉鄉飲
胡 潔康熙丙辰 恩貢候銓教諭循分自守力學不

倦里黨稱爲積行君子至今尚藉藉人口也

褚晉喬陽渠都人乾隆癸卯科舉於鄉博通典籍工文
詞典麗有則遠絕權要不樂仕進教授於家喜培植
後學有姿性聰穎勇於向學者修脯不計得其指授
多獲科第之選所著有四書解列女傳解時文稿若
千篇無力梓行抄錄存於家

張 琚歲貢生字玉叔少負雋才於書無所不讀尤邃
於易試輒冠軍名震一時所與遊皆當世知名士學
使者某拔通省英俊二十八人親課之琚與焉前後
聯捷者二十有六惟琚數奇屢困名場垂得旋失者

再後學使國柱爲懸三晉英才額以旌之又手書三晉名士賜之邑侯汪亦以品優學邃四字表其間所著四書講義周易獨見等書及病革歎曰士老不遇著書何補集手訂書並平日詩文稿灑淚盡焚之聞者傷焉

丁 湛字秋江邑市東廂人弱冠有聲庠序間丁外艱哀毀骨立不苟葷酒者三年旋中乾隆壬子鄉舉房考魯山木先生名宿也深加契賞謂不僅科目中人屢上春官不第因母年高冀得祿養援例就知縣揀發江西省署高安縣篆前任某虧官帑九千餘金乃

多方設法悉爲彌補及已交卸以此復虧累三千餘金南昌大府趙通稟列憲稱爲江右第一急公人員嗣署龍泉簾篆事未及三閱月結前任積案二百餘件士民驚以爲神去之日闔邑執香呈百戲設祖帳跪送者數十處歲癸亥題補宜黃縣下車值亢旱成災湛卽申詳請緩秋征灾民全活甚多明年黃水汜濫滄没多人復捐施棺木二千餘具旣隣邑蛋匪滋事人情洵懼亟捐廉練鄉兵日夜防守匪聞風遠遁境內賴以無擾令宜五載水旱頻仍兵差謁蹶稍暇卽進士子於黃填書院爲之講解口授人人奉爲圭

臬所拔取士有至鼎甲詞林者以內艱歸日夜悲號
疏食飲水一如居父憂時服闋遂不出設帳授徒自
天文律呂兵防水利諸書及宋元明諸儒語錄無不
淹貫有未誠堂稿抄錄行於時

閻立誠原名立統乾隆初三中副車仕孝義教諭學有
根柢從游者眾多士尊爲楷模卒於官貧無以歸士
紳賻贈櫬始旋里著有霽園存稿至今以儒業世其
家

張 博字靜淵邑增生米東都人家貧力學孝親惟謹
於書無所不讀入泮後屢試屢躋仰事俯畜僅以訓

徒爲業然能以孝弟忠信善誘後進故及門多彬彬
儒雅旁通醫理存心仁恕貧不受謝前縣令黃樹賔
極口稱爲仁義李崇蟠以品學極優兼通脉理獎之
公舉鄉飲遜謝不遑晚年力善不倦時黃令舉修卦
山天寧寺數年之久毫忽無私及捐養正書院膏火
並修狐大夫廟堂與有力焉

閻恒齡立誠之孫邑增生爲人寡言笑品詣卓絕讀書
曉大義不沾沾爲功名計善爲文詞精六書音韻所
著有經史正音切韻指南說增訂直指玉鑰匙門法
歷代字學說辨字撮要因貧未刊稿藏於家有識者

稱其別有會心可爲先儒輔翼

邢飽德字潤生故交鎮人家深山世有令德讀書嗜古力學不倦性淡穆事母孝依依膝下不樂仕進乃設鄉塾於居側以便晨昏省侍課子姪維嚴長子守元郡庠生三守圉癸酉選拔乙亥舉人保舉得知縣皆其裕後之徵其善行不能悉紀尤善解紛鄉鄰有爭者登門決是非得一二言嫌頓釋人以比王彥方故曰遠訴訟庭不如近得邢某一言也

王鑑字靜生廩貢孝廉方正歷官偏關介休等處教諭當任偏邑時飭學啟倫時以植品礪行相勗邑介

在邊陲孝弟節義百餘年未舉行鑑慨然曰十室必有忠信若令潛德幽光久晦不發胡爲風俗勸於是廣諮博訪得名實相副者六十二名具詳請旌闔學士子公署扁額顏之曰教媿文翁後以父封翁年暮解組終養恪供子職依依有孺慕之誠親歿哀毀骨立服闋後攝介休學篆訓迪諸生較在偏尤勤未嘗以五日京兆自視也往歲偏邑士民具呈上憲請與前故令張公並祀名宦均以去任未三十年格於成例暫屈非遺愛在人曷克致此他如助軍餉以濟時艱輸貲財以贍族里懿行甚夥尤難殫紀云

熙朝人瑞

張 縉字君右原瓶睦聯村人事二親以孝處三黨以和一鄉稱爲善人自上世以來多壽父大利母王氏壽考齊眉年臻大耄公與兄按復壽躋九秩妻許氏九十有三孫輩亦有壽至九十四者生二子九孫曾孫二十七人元孫五十三人同堂五世黃眉白髮颯衍椒蕃近世罕覩初業農及中年偶入城輸課見新入泮者彩旗簫鼓相與謁廟顧而樂之語人曰吾子孫何渠不若此遂挈二子徙居東門裏延師教之時長子茂隆已將冠越三載即遊庠旋食餼擢拔萃科

交城縣志

卷八

人物

六十八

次子運隆亦增廣生孫曾元輩入邑庠列貢舉者幾五十人至今遂爲書香世族云

丁 碩字果餘別號藝菊山人附貢生幼卽喜靜不好弄旣長淡泊甯靜無城府遠絕紛華不營財利識與不識望而知爲長者書法工整適秀鳴於時行草尤臻妙境喜作擘窠大字遠近爭求隣邑與附近寺觀聯額多其手書善養生術年百歲無疾而終自中年後不入內寢日三餐祇醲薄粥數甌屏絕葷酒獨處一室圖書外無他物嗜花成癖尤喜畜魚謂天機活潑別饒真趣對窗臨帖外惟種花養魚以自適人有

踵門求書者欣然握管應之毫無倦容暇惟靜坐手一編不問家人生產歷任邑宰咸重其人兩舉鄉飲作大廩後復以引年例詳請蒙 恩賜七品章服賞穿黃衣年屆期頤神明不少衰道光己丑值誕辰開百歲筵宗黨戚友祝釐者麇至一一答之宴罷沐浴索冠服著竟命孫輩視衣摺端整趨卧正寢問之答云將去眾多匿笑公亦笑容可掬既視其容光漸斂近前候之氣冷如冰已溘然而逝眾始大駭去來自如亦一奇也

榮國柱安定都人年至八十六歲妻高氏九十歲齊眉

交城縣志

卷八

人物

六十九

白髮倡隨甚和爲人簡默厚重精神溢於眉宇平生不解服藥嘗語人曰人能薄嗜欲慎起居節飲食却病延年無過於此若徒求之草木是益其疾而戕其生也少服賈後謝所事經理農業操作甚勤壯夫所不及每農忙之際率諸孫荷鋤田間見者嘖嘖稱羨生五子六孫曾孫輩復數人俱能世其業諸子老白首夫婦猶健在步履輕捷真昇平人瑞也

李 鴻年八十九歲市東廂人住城內先貿易東省晚年以務農爲業性溫厚家無餘貲有田距城數里每農忙之際提榼餉耕徒步往來日凡幾次力健如壯

云

花書升年八十七歲覃東都人用賈起家晚年鄉居好善光緒三四年大稔餓浮滿路書升在村獨捐蘆蓆座柴骸力行不倦每扶杖至五六里外觀劇尙與少壯者較捷足焉

張 氏年九十四歲城內道德坊田永泰之妻持家慕儉治內素嚴四世共炊雍雍一堂氏年臻耄耄耳目聰明猶能約束家政遇子姪有過以杖趨擊莊言誨飭故孫曾輩罔敢越規矩焉

覃 氏年八十八歲義西都武庠宋奎章之妻有子五人
交城縣志 卷八 人物 七十
有人庠者有援例者諸孫十人悉成孫曾林立尤共稱善衍云

李 氏年八十八歲安定都李三綱之妻四十三歲失所天撫二子成立現長子已六十九歲長孫亦三十餘歲曾孫數人有讀書者氏健如少壯恤隣厚族爲鄉所重隣人有女療疾氏日扶杖親往噢咻其慈善如此

趙通周原瓶都人家小康淡於榮利於物無競居恒無疾言厲色識者以爲壽徵年八十三康健如少壯髮妻孫氏長公數歲倡隨甚和一乳五子咸遵其教力田孝弟罔越規矩長起宋壽六十一歲次開宋六十五歲三安宋七十有五四元宋五拱宋俱八十餘開宋妻彭氏與拱宋妻呂氏尤臻大耋一九十四一八十八孫曾輩復數十人雍雍輯睦初無間言說者謂洪範五福始於壽根於攸好德極於考終命茲一門數十口旣富而康又能以淡泊葆其天真亦可謂五福俱備者矣

閨門庸德

王胡氏安定都王應齡之妻市崇坊胡其傑女勤女工寡言笑事母以孝聞母適重病女歸侍日夕哭禱願以身代病危極醫藥罔效女情急默祝於神斷指半寸許煎藥以進母病遂瘳人始知之

喬劉氏義東都喬正之妻職員劉去爭女事姑以孝姑老病垂危氏侍湯藥衣不解帶者彌月姑病益劇同村有老婦言兒女血肉可救父母之死疾氏信之卽截半指和丸以進姑服少許旋愈且康健愈於往日人以爲孝婦所感云

王梁氏安定都王家駒之妻陝西同官知縣王儒綬之媳性沉默善持家隨夫宦粵家駒初蒞廣南水土失調陡患頭風眩痛欲絕良醫束手氏舉目無親日夕哭禱竈神誓以身殉先截半指入藥以進不數日痛止病痊後有僕人泄其事人始知之家駒旋奉內艱挈氏旋里鄉人爭稱之

安連氏西南都安玉玷之妻從九品士魁之媳鄭段都連生瑞之女性幽閒善事舅姑姑病親視湯藥日夕不離及病篤氏情急無所措聞鄰女有煎指愈母病者截其無名指入藥以進姑病遂愈聞者以孝稱之

仙釋

唐

石頭道人姓張氏隱西冶山善修養能知未來自號石頭道人嘗有詩云去去依然在呵呵一石頭青山常在伴明月幾時休又言九月九日我當昇天至日果不見

張 果縣東關小南巷人世稱爲八洞仙之一嘗乘白驢至阿蘇山以鐵筆指石爲穴並驢入焉今古崖中穴蹟尙存又按祁縣志古蹟內有果仙飲驢蹟

元魏

交城縣志

卷八

人物

七十二

曇鸞祖師雁門人也時未志學便卽出家內外經籍及於四論佛性彌極窮研讀大乘經恨其詞義深密因而注解成疾周行醫療行至汾州城東門忽見天門洞開由斯疾愈欲繼前作顧而言曰命危脆不常江南陶隱君者方術所歸遂往從之旣達梁朝居隱君山所接對欣然便以仙方十卷酬之還至浙江有鮑郎子神者一鼓湧浪七日正值波初鸞以情祈告帖然安靜依期達魏辭往名山依方修法至潞州逢中國三藏菩提留支鸞往祈曰佛法中頗有長生不死法勝此土仙經者乎支卽以觀經授之曰此大仙方

依之修行當得解脫生死也鸞尋頂受行化他郡調
心鍊氣對病結緣流靡宏廣魏主重之號爲神鸞焉
勅令住并州大寺晚移住石壁元中寺聚徒蒸業魏
興和六年卒卒之日旛花幢蓋香氣蓬勃音聲繁鬧
預登寺者並同矚之因出調氣論又撰禮淨土十二
偈續龍樹偈安樂集兩卷廣流於世仍自號爲有魏
元簡大士云 見續高僧傳

宋

龍潭祖師不知何許人居石壁寺每夜誦華嚴經有鳩
鴿二鳥集於左右聽之一日二鳥俱墜地死雙生於

交城縣志

卷八

人物

七十四

縣北坡底村榮家啼泣不止師尋至語其父曰汝二
兒許爲吾徒可令不泣父諾卽以手摩其頂曰我徒
勿泣勿泣果止稍長俱從師戒苦修于石壁寺北溝
西崖下今名龍堂者四十年俱坐化世稱鳩鴿二祖
崖東坡有石庵顯蹟二祖遺像在焉顏貌甚古

鳩鴿二師

出處見士

元

大漢僧錄姓聶氏法名安身長九尺能解空門法眼又
能誦咒驅邪通藏經千餘卷時以異人尊禮之中統
三年朝廷聞名召入欲爲殿中將軍固辭不拜遂命

爲本縣僧錄司僧錄賜禪衣二件上織龍鳳山河最爲工巧傳言自宮中製也卽號大衣禪師後圓寂焚化有舍利紅光之異大眾建大塔於安定村寺中以藏師骨所遺二禪衣貯于龍山永寧禪寺世守之以爲寶

國朝

王長樂乾隆初人安定都瓦窑村農家子十餘歲入山採樵遇老人汲泉灌地長樂口渴求飲老人以手掬水飲之從此心地明澈見書卽解且膂力過人通拳勇校武者輒異之以濃墨畫大幅山水及牡丹等花

交城縣志

卷八

人物

七十五

卉尤擅絕一時南人精煊染者無不嘖嘖稱奇謂有仙意每與人言輒中遠近村莊求晴問雨悉有驗然不輕言休咎是以名不出閭里年登上耄自知死期臨逝鼻垂玉柱尺餘端坐而瞑其子若孫咸臻大壽所畫山水等幅交之仕紳家有寶藏者其用墨淺深層次千百變幻非虛語也

無慮號常樂俗家無可考住縣西石壁永寧寺受戒於大藏本性師具大智慧解經說法徒眾環聽有問輒答了無滯義卽讀書明理家亦會義稱善乾隆初出外雲遊卓錫所至募修卦山天寧寺西城外龍王廟

大營村關帝廟文水寨子村關帝廟臨汾天齊廟經
營妥善悉成清淨法壇十餘年仍歸石壁住持名愈
顯而心愈斂後怛化合塔於寺後邑令楊壽昌贈額
以高其行其時鄉宦胡鈞璜與之友爲記其修建石
壁等寺功德採入新志藝文

